



Nuuk ulloq 13. marsi - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

**1. Nuummi kollegiani siniffissat 218-t, Aasianni 32-t, Ilulissani 70-t, Sisimiuni 72-t, Qaqortumilu kollegiani siniffissat 74-t pilersaarusiortugit naammassilerunarpud, takuuk akissut § 37 naapertorlugu apeqqummut 114-mut, 2019-mi. Taakku ukioq manna sanaartorneqarnissaat pilersaarutaavoq aamma aningaasaliissutissat aningaasanut inatsisimmi immikkoortinneqarnikuupput.**

**Qulaani sanaartornissamut suliariumannittussarsiuussinissamut atortussat qaqugu piareerpeqarumaartut Naalackersuisut naatsorsuutigaat aamma sanaartornerup qaqugu aallartinneqarnissaa Naalackersuisut naatsorsuutigaat?**

**2. Kollegiani inissarsiortunut inissaqartikkumallugit inissianik attartornernut 2015-mi, 2016-mi, 2017-mi kiisalu ajornanngippat 2018-mi Namminersorlutik Oqartussat qassinimmita aningaasartuuteqarsimappat? Ilanngullugit taarsiullugit inigisariaqakkanut?**

**3. Namminersorlutik attartortitsisartunit inissamik attartorneq agguaqatigiisillugu qanoq akeqartarpa, KAF attartortariaqarsimatillugu aamma ilinniartuq inigisaminut KAF-imut qanoq akiliisarpa?**

**4. Ilinniartut ilinniarnersiutisiallit qassit ullumikkut inissartik nammineq isumaginikuuat?**

**5. Namminersorlutik Oqartussanit illoqarfinni, Nuummi, Ilulissani, Aasianni, Qaqortumi Paamiunilu ilinniartut qassimmita inissaminnik utaqqisut allattorneqarsimappat?**

**6. Suliamut tunngasunik allanik soqutiginaatilinnik Naalackersuisut paasisutissiisinnaappat?**

(Inatsisartunut ilaasortaq, Tillie Martinussen, Suleqatigiissitsisut)

**Tunngavilersuut:**

§ 37 naapertorlugu apeqqutikka nr. 114-2019 malitseqartillugit matumuuna kollegianik sanaartornissamut tunngasunik apeqquteqaqqippunga. Malunnarpoq immikkoortumi aporfeqartuq aamma pisariaqartinneqarluinnarpoq sanaartornerup pisama aallartinneqarnissaa.

---



SULEQATIGIISITSISUT  
SAMARBEJDSPARTIET

Kingullermik apequtinnut akissutini takusinnaavarput ukiup matumap ingerlanerani sanaartugassanut immikkoortunut pilersaarutit agguanneqassamaartut, taamaakkaluartorli apeqquteqarusunnarpoq sualummik malunnarmat kollegiat sanaartorneqarnaviangitsut naak aningaasaliisoqareernikuugaluartoq.

Ilinniartorpassuit uniinnartariaqartarput, aallartingitsoortarput imaluunniit ilinnialernissartik imaluunniit ilinniarnermik ilaa kinguartittariaqartarpaat kollegiani inissaqannginnertik pissutiginnarlugu. Tamanna qangarsuarli ajornartorsiutaavoq, kisianni allaangilaq annerusumik iliuseqartoqarneq ajortoq.

Pissutaaqataasinnaavoq ataatsikkut sanaartukkat amerlavallaalinginnissaannut sissuerneq.

Kisianni Namminersorlutik Oqartussat ataanni nuna tamakkerlugu sanaartortartut qanoq sanaartorsinnaatiginerat, suliassat qanoq amerlatigineri il.il. pillugit malinnaasoqanngippat kiisalu sulisussarsiarineqarsinnaasut qanoq amerlatigineri il.il. ilisimaneqanngippata taava eqqoriaaqattaarnerit kisimik pisartussaassapput.

Eqqoriartariaqanngitsorli tassaavoq illoqarfinni pisariaqartitsinerpaaffiusuni kollegialiortiternissanut aningaasaliissutit atorineqanngitsut amerlalluinnarmata naak sanaartugassat pisariaqartinneqarluinnaraluartut ilinniartut inissaqaqqullugit, ilinniarnermik nalaani.

Taamaattumik eqqumiippoq sanaartorneq eqqarsaatigalugu annerusumik susoqarpasingimmat taamaattumik aamma tamatumunnga suut pissutaanerit paasissallugu pingaaruteqarpoq, ataatsikkut sanaartugassaqarpallaarnerup pissutaasinnaanerata saniatigut.

Naapertuilluannigitsuliornertut isigeqqajaanarpoq mittarfiliornissat pilersaarusionerqarmata sulisussat avataaneersut nunatsinneersullu isumalluutigisussanngorlugit tamannali atuutinnigilaq kollegialiornissat eqqarsaatigalugit.

Aamma soqutiginarpoq tusassallugu sanarfinermut sanaartornermullu aningaasaliissutinut atunngitsoorneqartunut Naalakkersuisut namminneq isumaat tusassallugu aamma soqutiginarpoq tusassallugu qanoq iliorluta sanaartugassat pisariaqartinneqartut sanaartulersinnaannerigut. Naggataatigullu minnerunngitsumik soqutiginarpoq tusassallugu kollegianut utaqqisut qassiunersut aamma ilinniartut qassit iluatsitsillutik ullumikkut nammeneq inissartik isumagisarneraat. Paaserusunnarpoq takorusunnarmat ilinniartut qassit ilumut inissaminnik pisariaqartitsigaluarnersut, naak ilaatigut immaqa taakku inissaminnik nassaarsinnaasaraluartut.



SULEQATIGIİSSITSISUT  
SAMARBEJDSPARTIET

Kisianni ilinniartut iluatsitsillutik nammineq inissarsisartut tunngavigalugit takuneqarsinnaanngilaq ilinnit ilinniartut eqqarsaatigalugit tamanna naapertuuttuliornerunersoq aamma takuneqarsinnaanngilaq kollegiani inissaqartitaannginneq ilinniarnermik unitsitsiinnartariaqarnermut pissutaaqataanersoq. Taamaakkaluartorli soqutiginarpoq tusassallugu pissutsit ullumikkut qanoq innersut ikerinnakkut ilinniarunnaartartut amerlassusaannut neleqqersuussisinnaajumalluta kiisalu inissaqarniarnermut tunngatillugu kisitsisinut.

Aamma tusassallugu soqutiginassaaq Naalakkersuisut sanaartugassat, titartaanerit il.il. qanoq pilersarusiussamaarneraat il.il. ukiuni aggersuni.

Taamatuttaa q aamma soqutiginarpoq tusassallugu, tigussaasumik, sanaartugassat aningaasalerneqareersimasut qanoq siuartinneqarsinnaanersut kiisalu utaqqisut allattorsimaffii aamma immikkoortumi immikkut aningaasartuutaasariaqalersut suunersut, sanaartukkat ataatsikkut aallartinneqartu amerlavallaarneri pissutaalluni ajornartorsiortoqarmat aamma sulisussaqaarniarnermut sunniuteqartumik.

Apeqqutit akeqquneqarput ullut qulit iluanni.

Inussiarnersumik inuulluaqqusillunga

Tillie Martinussen

Samarbejdspartiet – Suleqatigiissitsisut

---